

اتوار 28 ستمبر، 2025

مضمون۔ اصلیت

سنہری متن: یسعیاہ 33 باب 20 آیت

”ساڈی عید گاہ صیوں اُتے نظر کر۔ تیریاں اکھیاں یروشلیم نوں ویکھن گیاں جیہڑی سلامتی دی تھاں اے بلکہ اجیہا خیمہ اے جیہڑا ہلا یا نہ جاوے گا۔ جیدیاں میخاں وچوں اک وی نہ اکھیڑی جاوے گی تے اوہ دیاں ڈوریاں وچوں اک وی نہ توڑی جاوے گی۔“

جوابی پڑھائی: یسعیاہ 35 باب 1، 7، 10 آیتاں

- 1۔ بیابان تے ویرانہ خوش ہوون گے تے دست خوشی کرے گاتے زرگھس وانگر شگفتہ ہووے گا۔
- 2۔ اوتھے کثرت وچ کلیان نکلن گے۔ اوہ شادمانی نال گا کے خوشی کرے گا۔ لبنان دی شوکت تے کرمل تے شارون دی زینت اوہنوں دتی جاوے گی۔ اوہ خداوند داجلال تے ساڈے خداوند دی حشمت ویکھن گے۔
- 3۔ ماڑے ہتھیاں نوں زور تے ماڑے گوڈیاں نوں طاقت دے
- 4۔ اوہناں نوں جیہڑے کچے دل والے نیں آکھ کہ ہمت کروتے نہ ڈرو۔ ویکھو تہاڑا رب سزاتے جزائی آؤندا اے۔ ہاں رب ای آئے گاتے تہانوں بچائے گا۔
- 5۔ اوس ویلے انھیاں دیاں اکھاں ٹھیک کیتیاں جان گیاں تے بولیاں دے کن کھولے جان گے۔

6- فیر لنگڑے ہرن وانگر چھلانگاں مارن گے تے گوئگے دی زبان گائے گی کیوں جے ویرانیاں وچ پانی تے جنگلاں وچ ندیاں پھٹ پین گیاں۔

7- بلکہ تلاء وی سیراب ہوون گے تے تریائی دھرتی چشمہ بن جاوے گی۔ گدڑاں دیاں مانداں وچ جتھے اور پئے سی نے تے نل ٹھکانہ کر لین گے۔

10- تے جنساں نوں رب نے مخلصی دتی اے اوہ پرت کے آؤن گے تے صیون وچ گاؤندے ہوئے آؤن گے تے ابدی سرور اوہناں دے سراں اُتے ہووے گا۔ اوہ خوشی تے شادمانی پان گے تے غم تے دکھ مک جان گے۔

درسی وعظ

بائبل وچوں

1- مرقس 1 باب 1، 14، (یسوع)، 15 آیتاں

1- یسوع مسیح رب دے پتر دی خوشخبری دا شروع۔

14- فیریو حنادے پھڑوائے جان توں بعد یسوع نے گلیل وچ آکے رب دی بادشاہی دی منادی کیتی۔

15- تے آکھیا پئی ویلہ پورا ہو گیا اے رب دی بادشاہی نیہ سڑے آگئی اے۔ توبہ کرو تے خوشخبری اُتے ایمان لیاؤ۔

2- لوقا 17 باب 11 تا 21 آیتاں

- 11- تے ایٹج ہوئی پئی یروشلیم نوں جانندیاں ہوئے اوہ سامریہ تے گلیل وچوں ہو کے جارہیا سی۔
- 12- تے اک پنڈ وچ وڑھدیاں ہوئے دس کوڑھی اوہنوں ملے۔
- 13- اوہناں نے دور کھلو کے اُچی آواز نال آکھیا اے یسوع! اے صاحب! ساڈے اُتے رحم کر۔
- 14- اوہنے اوہناں نوں ویکھ کے آکھیا جاؤ۔ اپنے تئیں کاہناں نوں وکھاؤ تے ایٹج ہوئی پئی جانندیاں جانندیاں اوہ پاک صاف ہو گئے۔
- 15- فیر اوہناں وچوں اک ایہہ ویکھ کے پئی چنگا ہو گیا اُچی آواز نال رب دی وڈیائی کردا ہوئی اٹریا۔
- 16- تے منہ بھر نے یسوع دے پیراں وچ ڈگ کے اوہدا شکر کرن لگاتے اوہ سامری سی۔
- 17- یسوع نے جواب وچ آکھیا کیہ دے ای پاک صاف نہ ہوئے؟ فیر اوہ نوکتھے نیں؟
- 18- کیہ ایس پردیسی دے علاوہ ہو رہے نکلے جیہڑے مڑ کے رب دی وڈیائی کردے؟
- 19- فیر اوہنے آکھیا اٹھ تے تڑجا۔ تیرے ایمان نے تینوں چنگا کیتا۔
- 20- جد فریسیاں نے اوہنوں بچھیا پئی رب دی بادشاہی کدوں آوے گی؟ تے اوہنے جواب وچ اوہناں نوں آکھیا پئی رب دی بادشاہی ظاہری طور تے نیں آوے گی۔
- 21- تے لوکی ایہہ نیں آکھن گے پئی ویکھو ایتھے اے! یا اوتھے اے! کیوں جے ویکھو رب دی بادشاہی تہاڈے وچالے اے۔

3- متی 12 باب 22 تا 28 آیتاں

- 22- اوس ویلے لوکی اوہدے کول اک انھے گنگے نوں لیاے جیدے وچ بدروح سی۔ اوہنے اوہنوں چنگا کر دتا، ایس طرح چنگا بولن تے ویکھن لگ گیا۔
- 23- تے سارا جتھا حیران ہو کے آکھن لگ گیا پئی ایہہ داؤد داپتراے؟
- 24- فریسیاں نے سُن کے آکھیا پئی ایہہ بدروحان دے سردار بعزل بول دی مدد توں بغیر بدروحان نوں نہیں کڈھدا۔
- 25- اوہنے اوہناں دے خیالاں نوں جان کے اوہناں نوں آکھیا جیس بادشاہی وچ پھٹ پیندی اے اوہ ویران ہو جاندی اے تے جیس شہر یا گھر وچ پھٹ پوے گی اوہ قائم نہ رہوے گا۔
- 26- تے جے شیطان نے ای شیطان نوں کڈھیا تے اوہ آپ اپنا مخالف ہو گیا۔ فیر اوہدی بادشاہی کیوں قائم رہوے گی؟
- 27- تے جے میں بعزل بول دی مدد نال بدروحان نوں کڈھداواں تے تہاڈے پتر کیدی مدد نال کڈھدے نیں؟ ایس لئی اوہ ای تہاڈے منصف ہو ون گے۔
- 28- پر جے میں رب دے روح دی مدد نال روحان نوں کڈھداواں تے رب دی بادشاہی تہاڈے کول اپڑ گئی اے۔

4۔ متی 13 باب 1 تا 3 (تادوجی)، 31 (دی)، 32، 45، 46 آیات

- 1- اوسے دن یسوع گھر وچوں نکل کے جھیل دے کنڈے جا بیٹھیا۔
- 2- تے اوہدے کول وڈھا جتھا اکٹھا ہو گیا پئی اوہ کشتی اُتے چڑھ بیٹھیا تے سارا جتھا کنڈے اُتے کھڑا رہیا۔
- 3- تے اوہنے اوہناں دے نال بہت ساریاں گلاں تمثیلیاں وچ کیتیاں پئی ویکھواک بیچ بون والا بیچ بون نکلیا۔
- 31- اسمان دی بادشاہی اوس رائی دے دانے وانگر اے جنہوں کسے بندے نے لے کے اپنی پیلی وچ بودتا۔

32۔ اوہ سارے بیجیاں توں نکاتے ہندا اے پر جدوں ودھ دا اے تے ساریاں سبزیاں توں وڈھاتے اجیہاڑ کھ ہو جاندا اے پئی ہو ادے پرندے آکے اوہ دیاں ٹہنیاں اُتے وسدے نیں۔

45۔ فیر اسمان دی بادشاہی اوس سودا گروا نگر اے جیہڑا چنگے موتیاں نوں لبھدا پھر داسی۔

46۔ جدوں اوہنوں ایک بوہت قیمتی موتی ملیا تے اوہنے جا کے جو کجھ اوہ داسی سب کجھ وچ دتا تے اوہنوں مل لے لیا۔

5۔ مکاشفہ 1 باب 1 آیت

1۔ یسوع مسیح دامکاشفہ جیہڑا اوہنوں رب ولوں ایس لئی ہو نیا پئی اپنے بندیاں نوں اوہ گلاں وکھاوے جنہاں دا جلد ہونا ضرور اے تے اوہنے فرشتے نوں گھل کے اوہدی معرفت اوہناں نوں اپنے بندے یوحنا تے ظاہر کیتا۔

6۔ مکاشفہ 21 باب 1، 4، 10، 11، 23، 27 آیتاں

1۔ فیر میں اک نواں آسمان تے نویں دھرتی نوں دیکھیا کیوں جے پہلا آسمان تے پہلی دھرتی جاندی رہئی سی تے سمندر وی نہ رہیا۔

2۔ فیر میں پاک شہر نویں یروشلیم نوں آسمان اتوں رب کولوں اتر دیاں دیکھیا تے اوہ اوس دوہٹی طراں سبیا ہو نیا سی جسے اپنے شوہر لئی شنگھار کیتا ہووے۔

3۔ فیر میں تخت وچوں کسے نوں اُچی آواز نال ایہہ آکھ دیاں سنیا پئی ویکھ رب دا خیمہ بندیاں دے وچکار اے تے اوہ اوہناں دے نال سکونت کرے گا تے اوہ اوہدے لوک ہون گے تے رب آپ اوہناں دے نال رہوے گا تے اوہناں دا رب ہووے گا۔

- 4- تے اوہ اوہناں دیاں اکھیاں دے سارے اتھر و پونجھ دیوے گا۔ ایہدے توں بعد نہ موت رہوے گی تے نہ وین رہوے گا۔ نہ چیخ و پکار نہ پیڑ۔ پہلیاں شیواں جان دیاں رہیاں۔
- 10- تے اوہ مینوں روح وچ اک وڈھے تے اُچے پہاڑ اُتے لے گیتے پاک شہر یروشلیم نوں آسمان اتوں رب دے کولوں اتر دیاں وکھایا۔
- 11- اوہدے وچ رب داجلال سی تے اوہدی چمک نہایت قیمتی پتھر مطلب اوس یشب وانگر سی جیہڑا بلور وانگر صاف ہووے۔
- 23- تے اوس شہر وچ سورج تے چن دی لودی کوئی لوڑ نیں کیوں جے رب دے جلال نے اوہنوں روشن کیتا ہو نیا اے تے برہ اوہدا چراغ اے۔
- 24- تے قوماں اوہدی لو وچ چلن پھرن گیاں۔ تے دھرتی دے بادشاہ اپنی شان و شوکت داساماں اوہدے وچ لیاؤن گے۔
- 25- تے اوہدے بوہے دن نوں بالکل بند نہ ہوون گے۔ تے اوتھے رات نہ ہووے گی۔
- 26- تے لوکی قوماں دی شان و شوکت تے عزت داساماں اوہدے وچ لیاؤن گے۔
- 27- تے اوہدے وچ کوئی ناپاک شے یا کوئی بندہ جیہڑا بھیڑے کم کردایا جھوٹیاں گلاں کردا اے بالکل نہ وڑھے گا پر اوہ ای وڑھن گے جنہاں دے ناں برے دی حیاتی دی کتاب وچ لکھے ہوئے نیں۔

7- مکاشفہ 22 باب 21 آیت

21- خداوند یسوع دا کرم مقدساں دے نال رہوے۔ آمین۔

سائنس تے صحت

1- 31-27:335

اصلیت روحانی، ہم آہنگ، نہ بدلن والی، لافانی، الہی تے ابدی اے۔ غیر روحانی کجھ وی اصلی، ہم آہنگ یا ہمیشہ دانسیں ہو سکدا۔ پاپ، بیماری تے فانیت روح دے فانی سمت القدم نیں، تے ایہہ یقیناً اصلیت دے مخالف ہوون گے۔

2- 3-1:590

آسمان دی بادشاہی۔ الہی سائنس وچ ہم آہنگی دی سلطنت۔ غلطی نہ کرن والے دی ریاست، ابدی تے قادر مطلق سیان، روح دماحول، جتھے جندا علی اے۔

3- 15-10:560

آسمان ہم آہنگی نوں پیش کردا اے تے الہی سائنس آسمانی ہم آہنگی دے اصول دی وضاحت کردی اے۔ انسانی فہم لئی اک وڈھا معجزہ الہی محبت اے، تے وجودیت دی سب توں وڈھی لوڑاوس شے دا اصلی تصور پانا اے جیہڑی انسان دے اندر آسمان دی بادشاہی نوں بناؤندی اے۔

4- 20-18:592

نواں یروشلیم۔ الہی سائنس؛ سنسار دے روحانی حقائق تے ہم آہنگی؛ اسمان دی بادشاہی یا ہم آہنگی دی سلطنت۔

5- 22-19:572

مکاشفہ 21 باب 1 آیت وچ اسی پڑھدے آں:

”فیر میں اک نواں آسمان تے اک نوی دھرتی نوں ویکھیا کیوں جے پہلا آسمان تے پہلی دھرتی جاندی رہی سی تے سمندر وی نہ رہیا۔“

6- 16:573 (مقدس یوحنا دی)۔ 19-

کیوں جے اسمان تے دھرتی دے بارے مقدس یوحنا دی بدنی حس غائب ہو گئی سی، تے ایس جھوٹی حس دی تھاں روحانی حس آگئی سی، جیہڑی اجیہی نفسی حالت سی جیدے پاروں اوہ نویں اسمان تے نویں دھرتی نوں ویکھ سکد اسی، جیدے وچ روحانی خیال تے اصلیت دی سمجھ شامل اے۔ کلام دا ایہہ اختیار ایس نتیجے نوں لیاں لئی سی پئی ہستی دی اجیہی پچھان ایس وجودیت دی ہن والی حالت وچ انسان لئی ممکن ہے تے ممکن رہی سی، پئی اسی موت، دکھ تے درد دے آرام نال ایہتھے تے ہنہ باخبر ہو سکدے آں۔ ایہہ ساری کر سچن سائنس دی مٹھاس اے۔ برداشت کرن والے پیاریو! حوصلہ رکھو، کیوں جے ہستی دی ایہہ اصلیت یقیناً کدی نہ کدی کسے نہ کسے شکل وچ سامنے آوے گی۔ کوئی پیڑ نہ ہووے گی تے سارے اتھر و پونجھ دتے جان گے۔ جدوں تسی ایہہ پڑھو تے یسوع دے ایہناں لفظاں نوں یاد رکھو، ”رب دی بادشاہی تہاڈے وچکار اے۔“ ایسے لئی ایہہ روحانی سمجھ ہن والا امکان اے۔

مکاشفہ دیکھن والا اک ہور خیال پیش کر دالے، جیہڑا تھکے ہوئے مسافرنوں حوصلہ دین لئی اے، تے اوہ ایہہ اے پئی اوہداسفر ہمیشہ لئی ”آتے نوں جان والی راہ اے۔“

مکاشفہ 21 باب 9 آیت وچ اوہ لکھدا اے:

”فیر اوہناں ست فرشتیاں وچوں جنہاں دے کول ست پیالے سی تے اوہ بچھلیاں ستاں آفتاں نال بھرے ہوئے سی اک نے آکے مینوں آکھیا ایہدھر آمیں تینوں ووہٹی یعنی برے دی بُڈھی وکھانواں۔“

ایہہ سچیاں دی سیواتے الہی پیار داسنیاں یوحنا نوں روحانی حالت وچ لے گیا۔ اوہنے ایہنوں ایہناں اُچا کر دتا پئی اوہ ہستی روحانی حقائق تے ”نویں رو شلیم نوں، جیہڑا رب ولوں آسمان توں میٹھاں آرہیا اے“، ویکھ سکیا؛ جیہڑا خوشی تے جلال دی روحانی لواے۔ جنہوں اوہ اوس شہر دے طور تے بیان کر دالے جیہڑا ”چو کور واقع ہوئیا اے۔“

7- 575:7-7 اگلا صفحہ

پاک شہر، جیہڑا مکاشفہ (21 باب 16 آیت) وچ اُتخ ہوئیا اے پئی جیہڑا ”چو کور بنیا ہوئیا سی“ تے اوہ جیہڑا ”آسمان آتوں، رب دے کولوں اُتریا“، سی، الہی سائنس دی لوتے جلال دی نمائندگی کر دالے۔ ایس نویں یرو شلیم دابناؤن والا تے معمار رب اے، جیویں پئی اسی عبرانیوں دی کتاب وچ پڑھدے آں، ”ایہہ اک مضبوط شہر اے۔“ لیہدی تفصیل اشاریاں والی اے۔ روحانی تعلیم ہمیشہ مثالاں تے نشانیاں دے راہیں دتی جاندی اے۔ کیہ یسوع نے وی سچیاں دی تعلیم دین لئی رائی دے دانے تے مسرف پتر دیاں مثالاں نیں دتیاں؟ ایسے طراں شہر دے چو کور

ہوون دے گہرے معنی نیں۔ ساڈے شہر دیاں چار نمکراں، کلام، مسیحیت، مسیح تے الٰہی سائنس نیں؛ ”تے ایہدے بوہے دن نوں بالکل بند نہ ہوون گے تے اوتھے رات نہ ہووے گی۔“ جیویں پئی اوہ دیاں چارے نمکراں اشارہ کر دیاں نیں ایہہ شہر پورے طور تے روحانی اے۔

جیویں پئی زبور دالکھاری آکھدا اے: ”شمالی پاسے ول صیہون داپہاڑ جیہڑا وڈھے بادشاہ دا شہر اے۔ اوہ اچیاں وچ خوشنماتے ساری دھرتی دا فخر اے۔“ ایہہ اصل وچ روح دا، انصاف دا، شاہی تے متوازن شہر اے۔ شمال وچ، ایہدے بوہے شمالی ستارے، کلام، مکاشفہ دے قطبی مقناطیس ول کھڈ لے نیں؛ مشرق وچ، اوس ستارے ول جنہوں مجوسیاں نے ویکھیا، جیہڑا ستارہ یسوع دی چرنی ول راہنمائی دیندا اے؛ جنوب وچ، اسماں دی جنوبی سولی ول، یعنی کلوری دی سولی، جیہڑی انسان نوں مضبوط اتحاد وچ اکٹھا کر دی اے؛ مغرب وچ، پیار دے سنہرے ساحل تے ہم آہنگی دے پرامن سمندر ول۔

ایہہ اسمانی شہر جیہڑا راستبازی دے سورج نال چمکدا یعنی ایہہ نواں یروشلیم، ایہہ لامحدود، نکلی، جیہڑا ساڈے لئی دور تئدھ وچ لگیا وکھالی دیندا اے؛ مقدس یوحنا دے خیال تیکر اپڑیا جسد کہ اوہ فانی شیواں وچ گھریا ہو یا سی۔

8- 25-18:576

ساہنوں ایہدے توں بوہتے اصلی انسان دی غیر مادیت دے ہو رکیس اشارے دی لوڑاے پئی یوحنا نے جیسے اسمان تے دھرتی نوں ویکھیا ”جیدے وچ کوئی ہیکل [بدن] نیں“ اے۔ ایہہ جیہڑی ”تہاڈے وچکار“ رب دی بادشاہی اے ایہہ ایتھے انسان دے شعور دی پہنچ وچ اے، تے روحانی خیال ایہنوں ظاہر کر دالے۔ الٰہی سائنس وچ، انسان رب دے بارے اپنی سمجھ دے تناسب وچ شعوری طور تے ایس ہم آہنگی دی پہچان دی ملکیت رکھدا اے۔

9- 27-12:577

اوس روحانی تے پاک رہائش دی کوئی حد یا قید نہیں پر اوہدے چار اہم نکلتے نیں: پہلا حیاتی، سچیائی، تے پیار دا کلام؛
دوجا، مسیح یعنی رب دارو حانی خیال؛ تیجا، مسیحیت، جیہڑی مسیحی تاریخ وچ مسیح دے خیال دے الہی اصول دا نتیجہ اے؛
چوتھا، کر سچن سائنس، جیہڑی اج تے ہمیشہ ایس وڈھی مثال تے ایسدے وڈھے نمونے نوں پیش کر دی اے۔
ساڈے رب دے ایس شہر نوں کسے سورج یا سیٹلائٹ دی لوڑ نہیں، کیونکہ ایسدی لو پیار اے، الہی سیان آپ ایسدا
ترجمان اے۔ اوہ سارے جنماں نوں مکتی ملی ہوئی اے اوہناں نوں ایس لو وچ ضرور ٹرنا چاہیدا اے۔ ساریاں شاندار
طاقتاں تے سلطنتاں اپنی ساری شان و شوکت ایس شہر وچ لیاؤن گیاں۔ ایسدے بوہے لوتے جلال ول اندر تے باہر
دونواں پاسے کھلدے نیں، کیوں جے سب کچھ چنگا اے، تے اجیہا کچھ وی ایس شہر وچ نہیں وڑھ سکدا، جیہڑا ”ناپاک
شے۔۔۔ یا جھوٹیاں گلاں کرن والا ہووے۔“

10- 20:339 (جیویں)-25

جیویں رومن غیر قوماں نے دیوتا دے بارے روحانی خیال نوں بوہتا قبول کیتا اونچ ای ساڈے مادی نظریے روحانی
خیالاں نوں قبول کرن گے، جدوں تیکر پئی متناہی لا متناہی نوں، بیماری صحت نوں، پاپ پاکیزگی نوں تھان نہیں دیندا
تے رب دی بادشاہی ”جیویں آسمان اُتے اے، اونچ ای دھرتی اُتے وی“ نہیں آجاندا۔

11- 31-30:16

تیری بادشاہی آوے۔

تیری بادشاہی آگئی اے، تُوں ازلی ایس۔

روزانہ دے فرض

میری بیکراڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیاردی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سبھی پراہ بندی، خیرات پسندی تے معافی نال پیاردیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیش گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔